

UPRAVA

Broj: 03-03-01- 074 -0404/17

Sarajevo, 22.12.2017. godine

Na osnovu člana 69. stav 2, tačka d, člana 70. stav 1., 4. i 6. Zakona o javnim nabavkama („Službeni glasnik BiH“, broj 39/14), Pravilnika o postupku nabavke broj: PR/SN/01 od 24.02.2015. godine, poništava se postupak javne nabavke jer nijedna od primljenih ponuda nije prihvatljiva, na preporuku Komisije za javnu nabavku broj: 38/17/3, u postupku javne nabavke KP 38/17 – Nabavka sredstava za održavanje higijene, direktor donosi:

ODLUKU

- o poništenju postupka javne nabavke -

NABAVKA SREDSTAVA ZA ODRŽAVANJE HIGIJENE

Član 1.

Poništava se postupak javne nabavke KP 38/17 – Nabavka sredstava za održavanje higijene jer nijedna od primljenih ponuda nije prihvatljiva u skladu sa član 69. stav 2. tačka d.

Član 2.

Za izvršenje ove odluke zadužuje se i ovlašćuje Služba nabavke.

Član 3.

Ova odluka će biti objavljena na web – stranici www.toplane-sa.co.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-967/17 od 02.10.2017. godine.

Javna nabavka je provedena putem **konkurentskog zahtjeva za dostavu ponuda**.

Procijenjena vrijednost javne nabavke bez uračunatog PDV-a je 12.000,00 KM.

Obavještenje o nabavci broj: 160-7-1-199-3-100/17 poslato je na objavu dana 04.10.2017. godine, a objavljeno je na Portalu javnih nabavki BiH dana 04.10.2017. godine.

Zahtjev za dostavu ponuda je upućen sljedećim ponuđačima, istovremeno sa slanjem obavijesti na Portal javnih nabavki BiH:

1. „FRANEX TRADE“ d.o.o. Sarajevo
2. „R & S“ d.o.o. Sarajevo
3. „CROBOX“ d.o.o. Sarajevo

Komisija za javnu nabavku imenovana je Odlukom broj: 03-03-01-283/17 od 30.03.2017. godine.



Nakon isteka roka za podnošenje ponuda, evidentirano je da su putem protokola u zatvorenim kovertama, pristigle sljedeće ponude:

1. „LALA i LAĆO“ d.o.o. Bijeljina, broj protokola 4500/17, datum 18.10.2017. godine u 09:39 sati
2. „R & S“ d.o.o. Sarajevo, broj protokola 4554/17, datum 20.10.2017. godine u 08:50 sati

Dana 20.10.2017. godine u 14:00 sati, Komisija je izvršila otvaranje pristiglih ponuda sačinivši o tome Zapisnik sa otvaranja ponuda te izvršila pregled pristiglih ponuda sa aspekta kompletnosti, tehničkih i komercijalnih uslova te dana 23.10.2017. godine dostavila Upravi preporuku o izboru najpovoljnijeg ponuđača broj: 38/17/4 od 23.10.2017. godine zajedno sa izvještajem o radu broj: 38/17/3 od 23.10.2017. godine i zapisnikom o ocjeni ponuda broj: 38/17/2 od 23.10.2017. godine, nakon čega je donešena Odluka o izboru najpovoljnijeg ponuđača broj: 03-03-01-1076/17 dana 24.10.2017. godine i ista upućena svim ponuđačima dana 25.10.2017. godine.

Nakon što je ponuđač „LALA i LAĆO“ d.o.o. Bijeljina zaprimio Odluku o izboru najpovoljnijeg ponuđača, dana 25.10.2017. godine navedeni ponuđač je zatražio uvid u ponudu najpovoljnijeg ponuđača „R & S“ d.o.o. Sarajevo, što mu je i omogućeno isti dan u 11:00 sati. Nakon izvršenog uvida, ponuđač „LALA i LAĆO“ d.o.o. Bijeljina je uložio žalbu, na koju je ugovorni organ napravio izjašnjenje i dostavio na razmatranje u Ured za razmatranje žalbi.

Shodno Rješenju Ureda za razmatranje žalbi broj: JN02-03-07-1-1188-10/17 od 14.12.2017. godine, Komisija za javnu nabavku je izvršila ponovnu evaluaciju ponuda i utvrdila da nijedna ponuda nije prihvatljiva za ugovorni organ iz sljedećih razloga:

1. „LALA i LAĆO“ d.o.o. Bijeljina, iz sljedećih razloga:

- ponuđač nije dostavio tehničke listove kako je traženo u Aneksu 3 – Obrazac za cijenu ponude, niti je dostavio uzorke u skladu sa tačkom 6. Tenderske dokumentacije, gdje je jasno navedeno ponude za koje ne budu dostavljeni traženi uzorci neće biti uzete u razmatranje,
- ponuđač je u svojoj ponudi dostavio popunjenu izjavu o ispunjavanju uslova iz člana 45. ZJN, koja nije ovjerena od strane nadležnog organa kako je traženo tačkom 7.1.2. Tenderske dokumentacije,
- ponuđač je u svojoj ponudi dostavio popunjenu izjavu o sukobu interesa iz člana 52. ZJN, koja nije ovjerena od strane nadležnog organa kako je traženo tačkom 7.6.1. Tenderske dokumentacije,
- ponuđač u svojoj ponudi nije dostavio u formi originala ili ovjerene kopije aktuelni izvod iz sudskog registra, kako je traženo tačkom 7.2.2. Tenderske dokumentacije,
- ponuđač u svojoj ponudi nije dostavio u formi originala ili ovjerene kopije potvrdu kojom dokazuje svoju tehničku i profesionalnu sposobnost (dostavljena samo obična kopija potvrde), kako je traženo tačkom 7.4.4. Tenderske dokumentacije.

2. „R & S“ d.o.o. Sarajevo, iz sljedećih razloga:

- ponuđač je u svojoj ponudi za stavku broj 1 dostavio tehnički list i uzorak za deterđžent za ručno pranje sudja sa limunom a tenderskom dokumentacijom u Aneksu 3 – Obrazac za cijenu ponude traženo je sa kamilicom,
- ponuđač je u svojoj ponudi za stavku broj 4. dostavio tehnički list i uzorak za sredstvo za dnevno čišćenje kancelarijskog namještaja, stolarije, kuhinje 1000 ml – Pronto u čijem se tehničkom listu a i dostavljenom uzorku ne vidi da ponuđeni proizvod sadrži u sebi anionske tenzide, kako je traženo tenderskom dokumentacijom u Aneksu 3 – Obrazac za cijenu ponude,
- ponuđač je u svojoj ponudi za stavku broj 6. dostavio tehnički list za sredstvo za čišćenje- keramike i sanitarija 750 ml kako je traženo tenderskom dokumentacijom u Aneksu 3 – Obrazac za cijenu ponude odnosno dostavio je tehnički list za „DOMESTOS 24 h PLUS PINK FRESH“ a uzorak od drugog artikla „DOMESTOS RED POWER“, što nije prihvatljivo za ugovorni organ,
- ponuđač je u svojoj ponudi za stavku broj 15. dostavio uzorak za spužvu skočbrajt koja sadrži samo abraziv a ne sadrži polieter iako je tenderskom dokumentacijom u Aneksu 3 – Obrazac za cijenu ponude traženo da isti sadrži abraziv + polieter,
- ponuđač je u svojoj ponudi za stavku broj 16. dostavio uzorak za truleks na kojem se ne vide zahtjevane dimenzije kako je traženo tenderskom dokumentacijom u Aneks 3 – Obrazac za cijenu ponude,



- ponuđač je u svojoj ponudi za stavku broj 17. dostavio uzorak za salvete papirne – bijele bez deklaracije zbog čega se nije moglo utrditi ispunjenje postavljenih uslova kako je traženo tenderskom dokumentacijom u Aneksu 3 – Obrazac za cijenu ponude,

- ponuđač je u svojoj ponudi za stavku broj 20. dostavio tehnički list i uzorak za kese za otpatke iz kojih se ne vidi debljina kese kako je traženo tenderskom dokumentacijom u Aneksu 3 – Obrazac za cijenu ponude,

- ponuđač je u svojoj ponudi za stavku broj 21. dostavio tehnički list i uzorak za kese za otpatke iz kojih se ne vidi debljina kese kako je traženo tenderskom dokumentacijom u Aneksu 3 – Obrazac za cijenu ponude i sa dimenzijama suprotnim od postavljenog zahtjeva u Aneksu 3 – Obrazac za cijenu ponude.

Iz gore navedenih razloga, na osnovu člana 69. stav 2. tačka d. Zakona o javnim nabavkama ugovorni organ poništava postupak jer nijedna od primljenih ponuda nije prihvatljiva.


Prema Zakonu o javnim nabavkama i Pravilniku o postupku nabavke broj: PR/SN/01 od 24.02.2015. godine, odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dirėktor

Admir Džubur



Dostaviti:

1. Ponuđaču: „LALA i LAĆO“ d.o.o. Bijeljina
2. Ponuđaču: „R & S“ d.o.o. Sarajevo
3. Službi nabavke a/a